



**BOSNA I HERCEGOVINA**  
**VIJEĆE MINISTARA**  
*Generalno tajništvo*

Broj: 05-50-2943/09  
Sarajevo, 26.10.2009. godine

**BOSNA I HERCEGOVINA**  
**PARLAMENTARNA SKUPŠTINA BOSNE I HERCEGOVINE**  
**SARAJEVO**

PRIMLJENO: 26.10.2009

Organizaciona jedinica	Klasifikaciona oznaka	Redni broj	Broj priloga
	02-50-1-16	- 35	09

**PARLAMENTARNA SKUPŠTINA**  
**BOSNE I HERCEGOVINE**

*- Dom naroda -*


**SARAJEVO**

**PREDMET:** Odgovor na izaslaničko pitanje – dostavlja se

Vijeće ministara Bosne i Hercegovine, na 102. sjednici održanoj 22.10.2009. godine, utvrdilo je Odgovor na izaslaničko pitanje koje je Božo Rajić, izaslanik u Domu naroda Parlamentarne skupštine Bosne i Hercegovine, postavio na 35. sjednici ovog doma održanoj 15.9.2009. godine.

U pravitku dostavljamo Odgovor uz molbu da isti uručite izaslaniku.

S poštovanjem,



**GENERALNI TAJNIK**  
*Zvonimir Kutleša*





**BOSNA I HERCEGOVINA  
VIJEĆE MINISTARA**

Broj: 05-50-2943/09  
Sarajevo, 22.10.2009. godine

**Božo Rajić**, izalnik u Domu naorda Parlamentarne skupštine Bosne i Hercegovine, na 35. sjednici Doma naroda održanoj 15.9.2009.godine, postavio je sljedeća izaslanička pitanja:

**"U cilju kompletiranja podataka za raspravu izaslaničko pitanje upućujem Vijeću ministara Bosne i Hercegovine kako slijedi:**

**a) Po kojim propisima i kriterijima se vrši popuna rukovodnih funkcija u institucijama Bosne i Hercegovine u pogledu nacionalne structure;**

**b) Kakva je nacionalna struktura svih uposlenih u institucijama Bosne i Hercegovine;**

**c) Na koji način i u kojem roku će se izvršiti usklađivanje nacionalne strukture zaposlenih u institucijama Bosne i Hercegovine gdje postoji debalans".**

Na postavljena pitanj, Vijeće ministara Bosne i Hercegovine je na 102. sjednici održanoj 22.10.2009. godine, utvrdilo sljedeći

**ODGOVOR**

Propisi koji ukazuju na potrebu balansiranja nacionalne strukture uposlenih u institucijama Bosne i Hercegovine, na način da strukturu uposlenih odražava nacionalnu strukturu stanovništva Bosne i Hercegovine, su:

- Zakon o radu u institucijama Bosne i Hercegovine ("Službeni glasnik BiH", br. 26/04, 7/05 i 48/05), članak 8. stavak 9.,
- Zakon o državnoj službi u institucijama Bosne i Hercegovine ("Službeni glasnik BiH", br. 19/02, 35/03, 4/04, 17/04, 26/04, 37/04, 48/05, 2/06, 32/07 i 43/09), članak 2. stavak 2.,
- Zakon o ministarskim imenovanjima, imenovanjima Vijeća ministara i drugim imenovanjima Bosne i Hercegovine ("Službeni glasnik BiH", broj 37/03), članak 3. stavak 2. alineja (E),
- Zakon o policijskim službenicima ("Službeni glasnik BiH", br. 27/04, 63/04, 5/06, 33/06, 58/06, 15/08, 63/08 i 35/09), članak 4.,
- Zakon o upravi ("Službeni glasnik BiH", broj 32/02), članak 7.,
- Zakon o sudbenoj policiji Bosne i Hercegovine ("Službeni glasnik BiH", broj 21/03), članak 3.

Svi naprijed navedeni propisi govore o potrebi balansiranja nacionalne strukture ukupno uposlenih u institucijama Bosne i Hercegovine, a ne nacionalnoj strukturi dužnosnika imenovanih na položaje u institucijama Bosne i Hercegovine.

O dužnosnicima (rukovodećim osobama) imenovanim na položaje u institucijama Bosne i Hercegovine govori jedna odredba Aneksa IV Općeg okvirnog sporazuma za mir u Bosni i Hercegovini – Ustav BiH, članak IX. 3. koji glasi: **“dužnosnici imenovani na položaje u institucijama Bosne i Hercegovine će predstavljati narode Bosne i Hercegovine”** (Zbirka ustava Bosne i Hercegovine u izdanju “Službenog lista BiH”, Sarajevo 1997. godine).

Istina je da u opticaju postoje i drugačije verzije prijevoda navedene odredbe koje govore o potrebi da dužnosnici imenovani na položaje u institucijama Bosne i Hercegovine **“odražavaju etnički sastav naroda Bosne i Hercegovine prema popisu stanovništva 1991. godine”**.

Budući da u opticaju postoje **različite verzije** prijevoda navedene odredbe Ustava, postoji potreba da se izvrši uvid u originalni tekst Daytonskog Ustava Bosne i Hercegovine i utvrdi izvorni tekst navedene odredbe.


Kao dio odgovora na pitanje izaslanika može poslužiti Izvod iz Analize zaposlenosti u institucijama Bosne i Hercegovine koju je izradila Agencija za zapošljavanje, od 9.10.2009. godine, koji dostavljamo u prilogu (Tabela IV.).

Također je bitno spomenuti da je Vijeće ministara na 95. sjednici održanoj 23.7.2009. godine, donijelo jedan Zaključak kojim su se obvezali svi rukovoditelji institucija, da prilikom zapošljavanja vode računa i o nacionalnoj izbalansiranosti unutar institucije kojoj su na čelu.

**Tabela IV. Struktura zaposlenih u institucijama BiH prema statusu zaposlenih i nacionalnoj strukturi – 30.06.2009.<sup>4</sup>**

	Bošnjaci	%	Hrvati	%	Srbi	%	Ostali	%
Imenovana lica	73	39,04	49	26,20	60	32,09	5	2,67
Rukovodeći državni službenici	125	46,30	60	22,22	74	27,41	11	4,07
Državni službenici	1.217	45,70	471	17,69	919	34,51	56	2,10
Zaposlenici	1.644	42,73	790	20,54	1.337	34,75	76	1,98
Polijski službenici (Državna agencija za istrage i zaštitu i Granična policija BiH)	1.398	44,55	655	20,87	1.040	33,14	45	1,43
Vjerski službenici (Ministarstvo odbrane BiH)	1	20,00	2	40,00	2	40,00	0	0,00
Civilna lica na službi u OS BiH (Ministarstvo odbrane BiH)	291	50,61	81	14,09	200	34,78	3	0,52
Profesionalna vojna lica (Ministarstvo odbrane BiH)	4.542	47,31	1.814	18,90	3.244	33,79	0	0,00

Nacionalna struktura zaposlenih pokazuje da je u institucijama Bosne i Hercegovine zaposleno **9.942 Bošnjaka ili 46,03%**, **7.305 Srba ili 33,82%**, **4.115 Hrvata ili 19,05%** i iz reda ostalih je zaposleno **236 ili 1,10%**. Za razliku od zbirnih pokazatelja, nacionalna struktura zaposlenih u institucijama Bosne i Hercegovine pokazuje odstupanja kada pogledamo podatke za pojedine institucije i različita je u zavisnosti od institucije do institucije (Prilog – Tabela 3.).



<sup>4</sup> Analiza prema statusu zaposlenih ne obuhvata slijedeće institucije: Obavještajno-sigurnosna agencija BiH, Sud BiH, Ustavni sud BiH, Centralna banka BiH i Institut za nestale osobe BiH.